



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju Programa korištenja sredstava sa pozicije “Tekući transferi drugim nivoima vlasti i fondovima za poticaj privredi” utvrđenog Budžetom Srednjobosanskog kantona za 2020. godinu, broj: 01-11.7-227/2020 od 16.03.2020. godine, Ministarstvo privrede Srednjobosanskog kantona raspisuje

**JAVNI POZIV
ZA ODABIR KORISNIKA SREDSTAVA SA POZICIJE
“TEKUĆI TRANSFERI DRUGIM NIVOIMA VLASTI I FONDOVIMA ZA POTICAJ PRIVREDI”
ZA 2020.GODINU**

I PREDMET

Podsticanje i pružanje podrške općinama za pripremu i implementaciju infrastrukturnih projekata kojim će se sufinansirati projekti:

- a) Priprema i uspostava industrijskih zona;
- b) Ulaganje u projekte opće privredne infrastrukture;
- c) Priprema i uspostava inkubatora;
- d) Izrada projektne dokumentacije (tehnička dokumentacija za projekat);
- e) Angažman stručnih timova;
- f) Ostale aktivnosti vezane za izradu projektne dokumentacije.

II PRAVO UČEŠĆA

Pravo učešća imaju sve općine sa područja Srednjobosanskog kantona.

Izuzetak:

- a) Općine koje nisu dostavile izvještaj o implementaciji programa i rezultatima ostvarivanja programa po ranije dobivenim poticajnim sredstvima, i kojima od strane Ministarstva privrede nije prihvaćen izvještaj.
- b) Općine koje imaju dospjelih a neizmirenih obaveza prema Srednjobosanskom kantonu.
- c) Općine koje nisu izmirile obaveze po osnovu javnih prihoda ili nemaju potpisan sporazum o odgodi plaćanja (doprinosa za PIO/MIO i zdravstveno osiguranje sa 28.02.2020.godine).

III OPĆI KRITERIJI

Kriteriji za ocjenu i izbor korisnika su:

- a) Cilj - 20
- b) Kvalitet - 20
- c) Vrijednost - 20
- d) Stepen vlastitog učešća - 20
- e) Socijalni aspekt - 20

IV DOKUMENTACIJA

- (1) Obavezna dokumentacija:
 - a) Zahtjev za uključivanje u program - ovjeren i potpisan od odgovorne osobe;
 - b) Obavezni prilozi - dokazi o ispunjavanju zakonom propisanih obaveza;
- (2) Dokumentacija mora biti ovjerena od strane nadležnih organa;
- (3) Dokumentacija ne smije biti starija od 3 (slovima: tri) mjeseca računajući od dana objave;
- (4) Dokumentacija se može preuzeti elektronski na web-stranici Vlade Srednjobosanskog kantona www.sbk-ksb.gov.ba ili lično u prostorijama Ministarstva privrede Srednjobosanskog kantona sa sjedištem u Prnjavor 16a, Travnik.

V KOMISIJA

- (1) Ministar Ministarstva privrede Srednjobosanskog kantona imenuje Komisiju koja razmatra prijave i sačinjava prijedlog Odluke o dodjeli sredstava.
- (2) Komisija podnosi izvještaj o radu Ministru Ministarstva privrede sa prijedlogom Odluke o dodjeli sredstava.
- (3) Prijedlog Odluke o dodjeli sredstava Ministar Ministarstva privrede Srednjobosanskog kantona upućuje Vladi Srednjobosanskog kantona koja donosi Odluku o dodjeli sredstava.

VII NAČIN PRIJAVE

Potrebna dokumentacija podnosi se na protokol Vlade Srednjobosanskog kantona ili preporučeno putem pošte na adresu Vlada Srednjobosanskog kantona, Ministarstvo privrede Srednjobosanskog kantona, ul. Stanična 43, 72270 Travnik sa naznakom za JAVNI POZIV ZA ODABIR KORISNIKA SREDSTAVA SA POZICIJE "TEKUĆI TRANSFERI DRUGIM NIVOIMA VLASTI I FONDOVIMA ZA POTICAJ PRIVREDI" ZA 2020.GODINU.

VIII OSTALE ODREDBE

- (1) Ministarstvo privrede Srednjobosanskog kantona potpisati će Ugovor o implementaciji odobrenih sredstava u kojem će biti preciziran način, dinamika i nadzor nad trošenjem istih.
- (2) Ministarstvo privrede Srednjobosanskog kantona ne snosi troškove učesnicima Javnog poziva i zadržava pravo da Zahtjev prihvati u cijelosti, djelimično ili ga u potpunosti odbije u bilo koje vrijeme prije zaključivanja ugovora. Prispjela dokumentacija neće se vraćati.
- (3) Rok za podnošenje prijave je 20 (slovima: dvadeset) dana od dana objavljivanja Javnog poziva u sredstvima javnog informisanja i web-stranici Vlade Srednjobosanskog kantona www.sbk-ksb.gov.ba.
- (4) Nepotpune, neblagovremene i neuredne prijave neće se uzeti u razmatranje.
- (5) Podnosioci prijave mogu uložiti Prigovor u roku od 8 (slovima: osam) dana.
- (6) Sve dodatne informacije mogu se dobiti svakim radnim danom putem telefona broj: 030/511-217 od 08,00 do 15,00 sati ili putem e-maila: minpriv@sbk-ksb.gov.ba.

Broj: 01-01-01

Travnik, 27.07.2020.godine

